

Aruba tambe ta den wega

Grupo di chavista cu reunion secreto na Curaçao

Alerta na Curaçao relaciona cu seguridad nacional den Reino

ORANJESTAD (AAN) Informacion haya for di hermana isla Curacao ta indica cu na Curacao autoridadnan competente riba tereno di seguridad nacional ta riba un alerta grandi pa loke ta trata movecionnan di cierto grupo di chavistanan na Curacao.

Esnan encarga cu Seguridad Nacional na Antiyas y Curacao a worde poni na altura cu for di Venezuela tabata tin un grupo di 20 Chavista na caminda pa bay tene un reunion secreto ayera na Curacao.

E reunion secreto lo tabata planea pa bay sinta cu algun comerciante di Venezuela na Curacao, cu algun comerciante local y tambe cu algun politico.

Kico ta e intencion di e grupo di Venezuela pa cu un reunion secreto na Curacao cu cierto gremionan y politiconan no ta conoci, pero e asunto aki ta worde vigila di cerca door di autoridadnan di Seguridad Nacional di Antiyas pero tambe di Hulanda y te hasta di Merca cu ta hopi preocupa pa cu ta pasando na America Latina pa loke ta trata cierto movecionnan di e gobierno di Chavez.

Informacionnan cu ta circula na Aruba relaciona cu e caso aki ta indica cu aki na Aruba tambe un grupo di Chavista di Venezuela a bin pa pone contacto cu algun politico di e gobierno actual di MEP.

Aparentemente lo tin acercamento entre chavistanan y politiconan di e gobierno actual pa un ke otro por worde gefix prome cu eleccion tuma lugar na Aruba.

Pa esnan cu ta encarga cu seguridad nacional den Reino Hulandes e asunto aki ta uno hopi delicado y cu mester worde vigila di cerca pa evita cu cierto influencianan politico for di Venezuela no worde pusha of infiltra den e democracia na Aruba.

Mirando e forma con tanto lider di MEP ta actuando ultimo tempo unda e ta muestra di ta bay linea recta contra estado Hulandes door di haci un cantidad di insinuacionnan y declaracionnan contra Hulanda y Union Europeo y tambe otro ministranan di e gobierno actual ta criticando Hulanda, e asunto di grupo di chavistanan na Aruba tambe

ta worde mira como un infiltracion serio cu por pone democracia na Aruba y Antiyas na peliger.

Number di algun politico di MEP ta circula riba caya como esnan cu a worde acerca of cu lo ta afilia cu e grupo di Chavista na Aruba y tambe cu esnan cu recientemente a bin pa pone e base pa tene reunionnan secreto na Aruba y Antiyas.

Pregunta ta keda; ta pakico mester bin tene reunionnan secreto? Ta kico tin di palabra cu tur esaki mester tuma lugar den secrecia siendo cu pais Aruba y Antiyas ta paisnan democratico unda cu cualkier grupo cu ta actua segun nos leynan democratico por reuni unda cu ta y no mester haci cierto cosnan den tur secrecia.

E ultimo informacionnan haya for di Curacao ta muestra cu e asunto aki lo por bay resulta hopi mas serio di loke

hopi hende ta kere y cu Hulanda y Merca no lo duda ni un minuut pa interweni y bay den accion mesora contra cualkier acercamento di politiconan na Aruba y

Antiyas cu gruponan Chavista pasobra loke ta pasando ta mas bien un metemento y un minamento di democracia na Aruba y Antiyas.

Casonan den Corte di awe

ORANJESTAD (AAN): Awe den corte ta bay tin 3 caso penal.

E prome ta bay ta e caso di O.A.H. kende ta worde acusa di a intenta pa intencionalmente kita bida di un persona, usando un revolver.

E persona en cuestion tambe ta worde acusa di tin un arma di candela den su poder, sin tin permiso di Minister di Husticia.

Un otro caso cu ta bay tuma

lugar ta e caso di R.A.R. kende a worde acusa di tin biyetenan falso di 100 dollar den su poder y alaves ta acusa e persona aki di a horta den dos diferente auto.

E ultimo caso lo ta un caso, unda cu 16 persona mester presenta na corte, pa cu acusacionnan di posesion y/of transportacion y/of importacion di droga.

E caso aki lo bin dilanti pro forma.

DEMOCRATIA BIBO!!




BEST DEAL
PARADERA

BEST SHOPPING DEAL

Turibana Plaza

LAS AMERICAS

Pariba di Burger King
(Caya Grandi)



Machine Singer
24 stitch Overlock
SPECIAL